

# UGOVOR O OSIGURANJU MOTORNIH VOZILA

## I UGOVORNE STRANE

1. **KANTONALNA UPRAVA CIVILNE ZAŠTITE KANTONA SARAJEVO**, ulica Fehima ef. Čurčića br. 1, 71 000 Sarajevo, ID broj: 4200665390008 , koju zastupa v.d. direktor Jasmin Terović (u daljem tekstu: **Ugovarač osiguranja**), s jedne strane,

i

2. **ADRIATIC OSIGURANJE D.D.**, ul. Trg međunarodnog prijateljstva br. 20., 71 000 Sarajevo, ID broj: 4200213140004, kojeg zastupa direktor, Alen Hujčić, (u daljem tekstu: **Osiguravatelj**),

## II PREDMET UGOVORA

### Član 1.

Ovim Ugovorom, Osiguravatelj se obavezuje, da će za potrebe Ugovarača osiguranja izvršiti usluge "Osiguranja motornih vozila" koje se odnose na obavezno osiguranje od autoodgovornosti, kao i kasko osiguranje jednog vozila, osiguranje vozača i osiguranje putnika u Kantonalnoj upravi civilne zaštite Kantona Sarajevo, prema specifikaciji, počev od 08.05.2020. godine na period od 12 mjeseci.

Ugovor se zaključuje na osnovu Odluke o izboru najpovoljnijeg ponuđača, broj: 06-14-304-9/20 od 16.03.2020. godine i ponude Osiguravatelja, broj: 34/20 od 09.03.2020. godine, izabrane od strane Ugovarača osiguranja u postupku konkurentskog zahtjeva.

## III UGOVORENA CIJENA

### Član 2.

Ukupno ugovorena cijena za izvršene usluge iz člana 1. ovog ugovora iznosi **12.231,26 KM** (slovima: dvanaest hiljad i dvjesto i trideset jedna KM i 26/100 KF).

Predmetne usluge osiguranja su oslobođene od obračuna PDV-a u BiH, u skladu sa Zakonom o porezu na dodanu vrijednost ("Službeni glasnik Bosne i Hercegovine" broj: 9/05, 35/05, 100/08 i 33/17). Sume obaveznog i kasko osiguranja sa premijom osiguranja su ugovorene u KM.

## IV NAČIN I ROK PLAĆANJA

### Član 3.

Plaćanje ukupno ugovorene cijene iz člana 2. ovog Ugovora, Ugovarač osiguranja će izvršiti Osiguravatelju u skladu sa pozitivnim pravnim propisima iz oblasti obaveznog osiguranja od automobilske odgovornosti, uplatom na žiro-račun broj: 3389002201017407 otvoren kod UniCredit Bank d.d. , sukcesivno u periodu od 12 mjeseci, a na osnovu ispostavljenih faktura ovjerenih od strane Ugovarača osiguranja.

## **V ROK ISPLATE ZA NASTALU OSIGURANU ŠTETU**

### **Član 4.**

Osiguravatelj se obavezuje, da će usluge iz člana 1. ovog ugovora izvršavati kvalitetno i blagovremeno u vremenskom trajanju od 12 mjeseci, a u skladu sa specifikacijom iz Aneksa 2. - Obrazac za cijenu ponude, koji je u prilogu i čini sastavni dio ovog ugovora.

Osiguranje važi od 00,00 sati dana koji je označen kao početak osiguranja, a prestaje u 24,00 sata dana koji je u polici naveden kao dan isteka osiguranja.

Ako se dogodi osigurani slučaj, Osiguravatelj se obavezuje isplatiti ugovorenu štetu/vrijednost u roku koji ne može biti duži od 14 (slovima: četrnaest) dana, računajući od dana kada je Osiguravatelj dobio obavijest da se osigurani slučaj dogodio.

Ako je za utvrđivanje postojanja obaveze Osiguravatelja ili njenog iznosa potrebno određeno vrijeme, taj rok počinje teći od dana kad je utvrđeno postojanje njegove obaveze i njen iznos.

Ako iznos obaveze Osiguravatelja ne bude utvrđen u roku određenom iz prethodnog stava ovog člana, Osiguravatelj je dužan, na zahtjev ovlaštene osobe, isplatiti iznos nespornog dijela svoje obaveze na ime predujma.

## **VI OBAVEZE OSIGURAVATELJA**

### **Član 5.**

Osiguravatelj se obavezuje da će izvršiti osiguranje svih vozila, kao vozača i putnika iz specifikacije Obrasca za cijenu ponude.

Osiguravač se obavezuje da će za službeno vozilo Nissan Qashqai, koje je vlasništvo Ugovarača osiguranja, izdati posebnu policu kasko osiguranja. Kasko osiguranje za navedeno vozilo podrazumijeva full kasko osiguranje bez franšize (sa uključenim rizikom od krađe) za jednu godinu osiguranja.

Osiguravatelj se obavezuje da će izdati zeleni karton za određena vozila za koja Ugovaratelj osiguranja to zahtijeva u specifikaciji Obrasca za cijenu ponude.

Osiguravatelj se obavezuje na nepromjenjivost ponuđenih cijena tokom ugovornog perioda, osim u slučaju promjena vezanih za zakonske obaveze, o kojima je neophodno pismeno izvijestiti Ugovarača osiguranja.

## **VII OBAVEZE UGOVARAČA OSIGURANJA**

### **Član 6.**

Ugovorač osiguranja se obavezuje da će, naručiti usluge prema specifikaciji vozila iz Obrasca za cijenu ponude, koji je sastavni dio tenderske dokumentacije, u skladu sa ovim Ugovorom.

Ugovarač osiguranja će plaćanje svih isporučenih usluga izvršiti u skladu sa članom 3. ovog Ugovora.

## **VIII RJEŠAVANJE SPOROVA**

### **Član 7.**

Eventualno nastali spor po ovom Ugovoru, ugovorne strane će riješiti sporazumno, a ukoliko to nije moguće, spor će riješiti Općinski sud u Sarajevu.

## IX PRELAZNE I ZAVRŠNE ODREDBE

### Član 8.

Na odredbe ovog ugovora, kao i za sve što nije regulisano ovim ugovorom, primjenjivat će se odredbe Zakona o obligacionim odnosima.

## X STUPANJE NA SNAGU

### Član 9.

Ugovor stupa na snagu danom potpisivanja obje ugovorne strane, a primjenjivat će se od roka utvrđenog u članu 1. ovog Ugovora.

Ovaj ugovor sačinjen je u 4 (četiri) istovjetna primjerka, od kojih 2 (dva) primjerka zadržava Ugovarač osiguranja, a 2 (dva) primjerka zadržava Osiguravatelj.

## XI TUMAČENJE UGOVORA

### Član 10.

Ugovorne strane saglasno izjavljuju da su ugovor pročitale, razumjele i da ugovorene odredbe u svemu predstavljaju izraz njihove stvarne volje.

OSIGURAVATELJ

DIREKTOR

*Alen Huić*



*J.T.*  
UGOVARAČ

*Jasmin Terović*

Broj: 20533219  
U Sarajevu, 06.05. 2020. godine,

Broj: 06-14-304-17/20  
U Sarajevu, 05.05.2020. godine

